

UGOVOR

o vršenju usluga dezinfekcije, dezinsekcije i deratizacije

zaključen između

JAVNA USTANOVA HISTORIJSKI ARHIV SARAJEVO, Alipašina 19, Sarajevo, kojeg zastupa Ismeta Džigal-Berkovac, direktor (u daljem tekstu: kupac)

i

DERATIZER d.o.o. Sarajevo, ul. Ramiza Salčina 2, kojeg zastupa Dr.Sci. Armin Hadžić, direktor (u daljem tekstu: prodavac)

I OPĆE ODREDBE

Član 1.

Ovim Ugovorom je regulisan predmet Ugovora, prava i obaveze ugovornih strana, način vršenja usluga dezinfekcije, dezinsekcije i deratizacije, način plaćanja, te važenje Ugovora.

II PREDMET UGOVORA

Član 2.

Predmet Ugovora su usluge dezinfekcije, dezinsekcije i deratizacije navedenih u specifikaciji ponude putem direktnog sporazuma.

Ukupna cijena ponude iznosi 390,00 KM bez uračunatog PDV-a, odnosno 456,30 KM sa uračunatim PDV-om s tim da ukupna vrijednost nabavke na godišnjem nivou ne prelazi iznos od 1.500,00 KM bez uračunatog PDV-a.

III CIJENE, USLOVI ISPORUKE I DRUGI USLOVI

Član 3.

Cijena, kvalitet, rok isporuke i plaćanje izvršenih usluga navedenih u ponudi su nepromjenjive, kako je navedeno u izjavi Izvršioca.

Član 4.

Izvršilac garantuje da će usluge ugovorene članom 2. ovog ugovora vršiti stručno, kvalitetno, na vrijeme, te obezbijediti potreban materijal, opremu, njihov transport do objekata i obezbijediti stručno osoblje za obavljanje usluga.

Nakon izvršenih usluga, ispostaviti će se faktura sa radnim nalogima o izvršenim uslugama.

Član 5.

Sve eventualne primjedbe na izvršenje usluge iz člana 2. ovog ugovora, Naručilac će Izvršiocu saopćiti odmah, a najkasnije do 10 dana od dana izvršenja usluge.

U slučaju nastupanja okolnosti iz prethodnog stava ovog člana, Izvršilac se obavezuje da uočene nedostatke otkloni i to u roku od 3 dana od dana primanja saopćenja Naručioca.

Član 6.

Izvršilac je dužan da obavjesti Naručioca za sve eventualne promjene koje bi bitno utjecale na elemente Ugovora u smislu statusnih promjena, lica ovlaštenih za zastupanje, promjena sjedišta.

IV USLOVI PLAĆANJA

Član 7.

Izvršilac će po izvršenoj usluzi Naručiocu ispostaviti fakturu na osnovu narudžbenica (obračunski period teče od prvog do tridesetog u mjesecu).

Član 8.

Nakon izvršenja usluge Naručilac će izvršiti isplatu ugovorene cijene u roku od 30 dana na transakcijski račun prodavca broj 1610000008130066 koji je otvoren kod Raiffeisen bank dd.

V PERIOD ISPORUKE, VAŽENJE I TRAJANJE UGOVORA

Član 9.

Ugovorne strane su se sporazumjele da se ugovorene usluge vrše sukcesivno u periodu od jedne godine.

Član 10.

Ugovor je punovažan nakon potpisivanja obje strane. Promjene uslova ovog ugovora mogu biti izvršene samo u pismenoj formi.

VI PRELAZNE I ZAVRŠNE ODREDBE

Član 11.

Ugovorne strane će eventualne sporove rješavati međusobnim dogovorom. Ukoliko se nastali spor ne bude mogao okončati mirnim putem nadležan je Općinski sud u Sarajevu.

Član 12.

Svi elementi ovog Ugovora spadaju u poslovnu tajnu i ovaj princip treba da poštuju obje strane.

Član 13.

Ugovor je sačinjen u četiri istovjetna primjerka od kojih po dva pripadaju ugovornim stranama.

ZA NARUČIOCA:
DIREKTOR



ZA IZVRŠIOCA:
DIREKTOR

